

小倉山房外集

小倉山房外集卷三

錢唐袁枚子才

公七旬生辰授文華殿大學士序
夫三公爲保傅之官。非高年則不能耐望七十。是從心
之日。許坐論而愈覺雍容。是以尚父受璜蟠蟠黃髮叔
孫突兀。秩秩大猷龍鬚九鼎之系。試鈞石之能勝也。瓦
斜太廟之風苦陰陽之未變也。其才難燧人刻矩以奚
覓其任。稱羲和浴日而彌光乃若朝扶玉杖爲君王賜
燕而來。帝取金甌作臣子稱觴之用。則我望

山相公古罕聞焉。公旋車望族桴鼓聲名觀書石渠生
花旌節南溟西陝化治行春東部西曹風澄坐嘯陶士

行入州兼督偏江左之功深唐休環萬里在胸尤河湟之路熟雖出入三省綸扉久許其參知奈遲却十年蒼生欲問而不敢今年公七旬生辰奉詔先期赴闕時則青旛引道翠柳扶輪一路香焚齊獻紫霞介壽九重天笑早開黃閣迎公丹禁寶廡堂封受饌進張蒼爲計相兼可引年取劉璵之歷書不須擇日詔補文華殿大學士百官賀于道黎幹減囑四夷聞其名契丹拱手公到先人批勅處記少年珥筆時待毋有延年避位之恩劉向重來之感乎四月八日天子賜壽筵于第王溫之晉敘頌少內之襄蹠聽遷哲之鳴笳張祭遵之御公以下奉勅躋堂是日也朱轂塵宵華觴錦畫當晏

蓋撤來仙樂簫韶傳閨苑之音捧出蟠桃帝子拭金華
之露三貂故吏數亥字添籌八座門生赴午橋沃爵雖
蓬萊仙雜難從散錄徵名而高密兒多正可分班應客
在昔王導之鼓吹十部李穆之象笏百人吏冊所夸方
斯蔑矣且夫視公之相者公論也望公之來者私情也
倘溫嶠內召罷領丹陽寇恂還朝遠辭河內公歸太促
長借難禁天子知之命仍督兩江南巡後入閣俾作
霖雨將酒道以迓鑾輿如彼重星旦含光而照吳越
念長途之溽暑衣賜吹綸將比德于瓊瑤筐彌瑞玉都
梁十合賞黃花晚節之香如意一枝表魚水同心之樂
枚空山耳冷傳盛事者如麻得信心開覩中台之晚耀

自憐小謫非瑤池與燕之人且喜升堂是絲竹傳經之客猶記祝公大董遠拖小舟觴我黃樓同吟紅藥貞期可卜驚逝者之如斯覲覩自甄信後來之居上所願璣鏡百職陳揆五行生物協后土之功稽古應同天之號飲九乾之湛露勝服丹砂覆萬國以卿雲都無天札將見黃銀帶重靈壽杖高跨汪氏之龍魚薄陵陽之丹溜羅侯城下百歲尚擁干旄楊氏門中四裔俱爲太尉

孫小攻簪花圖序

姑蘇采蓮女子有孫小攻焉牽舟作屋家傳榜柂之歌
以水爲家偷照龍宮之鏡黃玉志鼻金詞貼胸彌環明
指骨之清瓊葉補眉痕之缺凡細君琴學茂猗楷書蘆
媚娘之經繡法華張靜婉之箏彈銀甲靡不手操成竹
思若流波于是名聲大噪於人色態出乎其類夷光過
則金錢滿市趙香出而蜂蝶爭隨初七下九三挑迷蕩
子之魂楚尾吳頭兩槳費中人之產洵所波之光妓洛
浦之莊姝也已爾乃抽觴自愛擁髻恒啼黃葉生春早
知心苦紅蕖出水偏憒泥汚想解佩以誰投每留花而不
發則有韓郎者吳中之高才生也橫塘借問本是同

鄉。泛。宅。相。從。竟。成。吉。耦。奔。精。照。夜。含。菱。蕤。以。俟。鳳。驚。女。
采。薇。看。文。魚。之。簪。乘。解。拋。家。之。髻。戴。奉。聖。之。巾。自。謂。柳。
毅。不。歸。與。龍。同。老。韓。終。旣。嫁。煉。藥。長。生。矣。亡。何。生。受。妖。
夫。之。曳。占。徽。纓。之。爻。地。市。錢。空。天。牢。星。逼。先。是。小。攻。誓。
語。生。曰。若。人。侈。口。蹙。頤。過。顛。涿。視。始。非。佳。士。夫。子。覺。者。
也。盡。遠。之。乎。生。初。尤。豫。至。是。方。誓。服。焉。嗟。乎。眼。中。有。鐵。
乃。在。嫉。光。渺。視。之。人。裙。下。生。雲。竟。爲。別。鳳。離。鸞。之。兆。蠶。
方。恐。縮。繭。豈。同。功。鳥。號。流。離。棲。難。並。翼。于。是。小。攻。嗟。
荆。軻。之。耳。中。履。士。會。之。足。下。腰。無。一。尺。淚。有。千。行。置。酒。湖。
上。捧。觴。屬。曰。生。也。有。涯。別。如。小。死。君。趣。辦。裝。姿。敢。不。援。
請。前。乎。然。而。遊。仙。枕。斷。記。事。珠。存。他。日。補。春。餘。之。墜。歡。

尋邊撩之晚景盼蕩子之長信寄仙人之短書絳蠟分明應知此意取琴鼓歸風送遠之章拏舟竟別當是時也壘中紅淚彈罷燈涼江上青峯曲終人去目雖窮于楚澤翩若驚鴻腸方繞于吳門恍如覆鹿水波爲之於邑飛鳥過而徘徊韓亦無如何也今者長卿遊倦駟馬人歸崔護重來桃花門鎖念娟娟之此身似隔千年盼粥粥之羣雌竟無一可錦裙尺六記存笠澤書中約指一雙詩在繁欽集上龍工可往將褰裳以何從柔妙焉歸問遊鱗而不答繁縝復則繁霜入夢驚響板面鸚鵡呼名糾絕陰天渺難跡矣幸而延壽畫成崔徽圖在蘭葉春風之帶著紙如飛苔花暮雨之銅凌波欲活畱墨

淡矣將同烏鵲之魚執手奄然頗似潛英之帳望嬌娥于月裏光雖遠而長圓喚踏搖于屏風人雖在而難下僕也泛彼柏舟曾窺桃葉驚張冬日省識春風序弦超匏爵之因緣補玉壺紫英之小傳所願輕霄再續阿軟重逢賣卜成都便訪支機之石吹簫吳市仍呼瀨女之船

丁巳村公子詩集序

舉頭見日長安爲公子之家下馬傳書江上遇梅花之使擷千行珠字有九畹蘭言將編玉臺之詩遠索徐陵之序若曰陽文之姿非秦鏡不能描也祇夏之音惟曾鼓爲能協也臨浦交好祇有楊修劉尹生平最思元度然則表性情之幽愫寫煙墨之清光會我其誰當仁不讓似村居士今華山相國之嗣君也榮公樂府久歌第六之郎孔鯉門庭夙稟玉南之訓仲舒蘊精夷甫鮮明目有青睛腰橫赤癌腸浣西江之水沙篆成文夢餐一日樹之花芬芳滿齒甲戌二月相見于袁浦署中蓋相公督理南河時也通家誼重一見心傾對柳浪以題襟映

桃波而泛月襄城君有手初握荀文若餘香尚畱亡何
相公四督江南似村姑來官舍書聲隔竹遙知文選之
樓帽影飄風迎出樂賢之館從此珠點夕露金然曉光
早燕新鶯斷復殘雪非留連于函丈必宴賞于琴尊而
似村苦志耽吟偷閒出禁或片言欲下而攬袂深謀或
反脣則頽雲不飛擊節而驚花亂不可謂義心清尚好
學深思者矣雖然鄧禹之兒十三能明經者幾輩安世
之侯七代乘朱輪者數人相公玉樹連枝麒麟接趾非
高寢爲郎之彦卽期門試弁之才往往半而未終一鞭
遽別惟似村生而羸弱不能侍中畏更溫文好遊小學

端門覆試表閭子之真才玉殿揮毫取秀才之美號予
是子駿得隨父任終日趨庭汝公老臥淮陽十年不召
江南花落往往逢君輞川月明時時過我雖風騷之道
合亦香火之緣深故也所恨潘陸才華竟遲科目肅曹
家世頗患清貧況復使相還朝小侯歸第未免幽牕雪
滿曲突烟布紅休求封綠車待幸根同秋水而羣花之
得露先開穴共丹山而一鳳之凌霄獨緩宜乎桓譚不
樂平子工愁閒雲無出岫之心倚竹有生寒之感絃么
徽急琴以鬱而彌悲風定潮回笛以孤而愈脆也嗟乎
萬里雲程大器不妨晚就百年歲月浮生無奈情多僕
也五載手分九回腸斷欲買絲而相繡悵倚玉以何年

每折疏麻寄遐心于空谷恍如殘夢聽遙響于鈞天聊
借弁言小申結轄但願三微接統九服扶輪龍泉鑄而
青氣升泰華立而高呼遠此時采筆古一門宮體之先
他日清風繼三代芸香之後

竹軒小集詩序

水軒居士子猷愛竹米玉悲秋封嘉樹以無聊據槁梧而自得則乃滌文石召清流露鑿爲茵風枝掃席此中有鳴琴焉可以移情其下設象戲焉可以坐隱惟時野王二老竹林七賢稱柔亭之翁號猗玕之子傳咸小語宋玉大言談櫓叟之滄桑紀羊珠之歲月能餐柏葉卽是仙人雅摘蓮花都稱博士或銀鈎犯浪或岸檳頽山或唐弓楚弓爭夸射鵠或魯鼓醉鼓各賭壺臯調絃而竹粉墜風布局而梧陰覆子歌成纂纂依然歷下之賓缶擊鳴鳴何必鄧鄆之婦餐十七物飲一經程花落煎酥瓜橫待戰豈特湯官五熟夸居方蠻餕之書乎勢三

分闕玉柱潛虬之令也哉更喜水近燈涼秋深蟲急霜
花新下芙蓉拒而更紅山骨初呈木葉脫而微瘦輕波
弄月上下雙珠長風起松宮商一箇此時星聚身披三
素之雲他日圖成影入九仙之鏡不有篇什曷追古風
請分沈約之詩牌更借長康之畫筆紅霞一口各吐風
前青石三方永鑄池上

送尹太保從兩江入閣序

夫歲星周天仍傍紫微之座冬日可愛終依黃道而歸
是以伯益作火正侯釐入輔夏室太公爲東西大伯老
相周邦古大臣抱格天之勲佐塞晏之化者未有不始
于旬宵終于坐論者也然而儒稱遭際佛重因緣均此
山河時是燭龍銜照之處同爲草木誰是孔陵手植之
枝分一葉之濃陰故皆前定受半生之陶鑄事豈偶然
今年秋望山相公從兩江入閣枚賦詩送行而先爲之
序曰公之初來江南也苟義華年八州兼督姚崇應變
十事要君戴白垂髫者滿仲華車下宛舌同聲者談吉
甫清風其時人但知公覆物之高明而不知公成物之

悠久也爾乃牙璋四至膏雨卅年竹馬兒童頭顛成雪
甘棠官舍蔽芾參天元武湖波成老臣湯沐之邑紫金
山色當兒時釣弋之鄉官未奉魚符而望塵便服民但
聞騶唱而捧轂先歡公且盛美不居與道大適糠粃簿
領瀟灑烟霞瓠子防秋定黃河于掌上崆峒迎駕拔青
山于地中自一本朝立國以來駐江之久文物之豐問
有如公者乎說者謂一時景運申公雖自開吳萬里長
城廉頗豈徒用趙是以三秦地險六詔天道金川受降
元江奏凱公何嘗不鑄烏蠻之柱視紅柳之營而卒之
陳湯有五月之成功汲黯無十年之不召或爽鳩之席
未暖而仍賦南征或蠅蠅之塞方行而忽停北轍來如

明月徹夜常圓去似春風隔年又到此非淮水所能遮蜀擁旄之報朱穆有冀州遺愛故受東都畫像之榮古
人所言信有徵矣至於枚之于公也三年一盼夢不到夫謙門八表停雲誰先客於細席而乃識之於弱冠揚之于王廷目是銀河別澄虛廳耳成荒市不惑訛言方辟睨未遑而有詔命爲師傅忽上清小謫而改官又隸帡幪夸公孫之能教攝五縣拜孔融之表薦刺一州雖難進格子停年早退出于自畫良苗不實深資烟鋤仙桂不高有慚月斧而不知游夏之于孔氏重文學不重官階也籍湜之于韓門傳詞章不傳勳業也陳留小

更。但。數。人。才。東。京。學。堂。偏。尊。下。坐。假。使。枚。尚。頭。簪。白。筆。
腰。綰。銀。黃。則。繩。緜。從。公。未。必。常。依。函。丈。文。書。銜。袖。亦。難。
祖。述。風。騷。今。陶。令。辭。官。而。買。山。適。逢。麾。下。潘。安。奉。母。而。
抽。身。得。傍。晨。昏。此。豈。枚。所。及。心。儀。公。所。曾。控。揣。者。乎。于。
是。曉。衙。宵。散。高。春。探。鼓。角。之。聲。野。徑。人。來。落。日。照。麻。鞋。
之。影。白。雲。入。而。朱。簾。捲。畫。戟。橫。而。彩。筆。飛。或。花。簇。金。鞍。
親。來。小。住。或。堂。鑑。玉。佩。許。拜。夫人。或。逝。薪。而。爨。勉。曾。參。
之。事。親。或。裸。祝。以。求。盼。商。瞿。之。生。子。月。落。而。軍。門。未。掩。
知。燈。前。尚。有。詩。人。山。遊。而。採。屬。爭。看。怪。車。後。常。攜。隱。者。
哀。絲。蒙。竹。盡。識。彭。宣。與。旨。精。文。定。呼。子。慎。置。醴。則。諸。郎。
投。轄。廢。歌。則。驟。馬。傳。箋。凡。此。雅。遊。都。成。陳。迹。試。問。西。雍。

多振鶯而何以偏賞閒鷗桃李遍春官而何以獨親小
草景非廣桑山上仲尼尚有前生釋梵殿前法和原同
香火之故哉此枚所以繖席頻驚而拈花頓悟者也茲
者清宵露湛當藩侯秋請之期遵渚鴻飛是元聖東歸
之日公德車駕勿初試沙隄假板康娛竟辭南國慈雲
覆久風乍移而鳥雀皆驚膜拜聲多佛已過而香烟尚
裊攝山萬丈難刊功德之碑秋水一江半是斯民之淚
枚老辭夏篆不隨魯叟西行采盡商芝終山留侯門下
遙瞻東閣便憶孫宏怕過午橋長懷裴令涼州烏翅何
時削脯吹來半首清香只有幽蘭宛在公屢賜乾嘯嘆心蘭雖負
箋有從遊之禮而顚毛皆垂白之年驪歌聽唱于僕夫

秋鶯絕塵于江上。倘或前緣未盡定。重逢問字之車。如其後會難知。誓永立來生之雪。

瞻園小集詩序

山水以示趣也。咏歌以抒情也。生貴族者其性豪而弱。冠者其氣逸。今日瞻園公子之宴。殆其人耶。瞻園者中。山王之故府。今方伯永公之官衙也。有平泉之富。梓澤之幽。公子春嚴品藻。羣流主張。勝地康樂。心賞最是良知。李翰文枯便秦音。樂時則青春受謝。赤熛行權。雲可妒。羅風猶動。絮親書花葉。招三徑之幽人。妙選排當。助一堂之雅奏。青山橫而簾捲碧荷。動而香生攀崖。呼鳥獸之門。臨水吐蛟魚之背。鹽形似虎酒味稱龍。繁肴雨護。世城中珍怪耀。安成席上范致能。雲霞作麴。鄭司農狼觸爲膏。乃召嚴春試車子。吹比竹動交竿仙。雨濕衣。

都成酒氣美。人流目欲鬪。花光曲終而紅豆盈箱舞罷而珍珠可掃。更有翠羽幻人木熙張。子蠅排舞隊。武唱阿房魚以名呼。鼠能口召梯雲而上。出明月于懷中。覆手以藏壓七星。于甕下有笙歌以韻之。則亭臺活矣。有襍伎以眩之。則風月新矣。然而羣公莞爾。僕獨淒其昔習鑿齒重到襄陽。賓僚換盡曹吉利再來鄴下。涕淚滑然。僕如公子之年早作瞻園之客。綠波熳影幾度琴草黃土。搏人萬重。桑海花僧識面石盡題名。而今日以安仁之鬢毛攀漢南之楊柳。驚聞絲竹感極山河。嗟乎過眼須臾莫非陳迹。知音朋盍總是前因。非序不足以傳蘭亭。非詩不可以點金谷。郎主之音情頓挫行矣難忘。

諸公之妙手森羅袖之可惜請書生紙免脫容刀人賦
角弓僕爲鳴矢

俞楚江詩序

夫刻削者比肩而班倕擅巧謳謠者成俗而射稽稱工
非其人則神爲器滯得其道則籟與天通頗手淫聲乖
惻隱古詩之義絕節高唱在義心苦調之人楚江山陰
著姓燕北寄公賦幼年新月之章如古人初日之對其
先人早異目視之爾乃童牙五歲離民母之懷落索一
殮作君甥之寄潤陽情薄共相罄餘剝樹心孤誰爲銜
恤淳于齊贊使健婦持家媿舒鄉枯爲里人管碓烏方
返哺樹已搖風呼阿子以不聞嘆遺奴之尙毛雖老子
生于苦縣鶯兒適土愁臺未足比此孤危方斯侵悒于
是齋油素以遨遊犯風霜之爪甲或齊郊晉壘乘遽登

臨或禹穴覲峯操觚兜弔每至雲中月墮天外心歸送
鴈秋風間鐘暮雨遂乃驅使烟霏蕭條衆芳彈琴取絃
外之聲飲水辨江心之味衍波精紙書花葉以同清密

字真珠化仙霞而欲去倘入鍾嶸之品不在下中卽登

表聖之門自居高品宜乎庶士傾心萬流仰鏡招隱者
千旄子子問字者東帛爻爻樂令語言全資潘岳寶融
章奏半出班彪實至名歸猗歟卓矣先生方且詢錄其
躬遺蛇其貌爲善有踐繩之迹修業無息版之時抄陸
贊之方書購人必蔭焚宋清之藥券屢褫必援又何其
懷淳鬯之德而抱殷勤之心哉至於三倉五雅之奇雀
籙鵠碑之辨捨鳳分蟲之事朱文綠字之章尤能奏刀

掇削澗古雕。今見君聖于義牆。活水斯于腕下。此又學者之古懷風人之餘蘋也。今者當沈初明之暮年。爲徐孝穆之南返賦工不賣。尚四壁之蕭然。詩好能飛。豈三公之可易。王尼露處滄海。橫流管輅。清談總千山。立僕以雲霞之契。定杵自之交。初接康成一見而欽爲長者。再招祖約深談。而同入元中。忘其才懸勉爲惺。引庶幾咽廟辱官之睡。福慧俱來韵宗。少文之絃。遙山共震。

贈閩兩公子送行詩序

雲中筆好方聽子晉之吹海上琴孤忽斷成連之曲此師曠因之躅足孟將倍欲沾襟者也而况草元問字往來揚子之亭捧席橫經尊陔成之側者乎則有竹巖鑑哉兩公子者江寧方伯永公之嗣君也公駁丹青之化表淳鬯之風陰德耳鳴屋漏不愧旁人目論後世其昌生合浦之雙珠比豐城之二劍爲舒祺晚得而少子加憐因賈嘉不凡而通書最廣公子懷文抱質潤古雕今十二月昭明錦帶之書八千張崔約手鈔之紙難爲其弟儀屢誰優酷類其兄機雲並耀荀卿五十始遊學而公子萬里趨庭鄒炎十七作州書而公子髫年奮筆

凡大行左右河水東西六詔雞關五溪瘴雨靡不遙山
對酒孤月題襟加以乙乙竭思賢賢易色文選樓中蘭
臺客聚江洪館上銅鉢詩成雖以賤子之不才猶辱高
軒之三顧鹿銜書至華陽十賚之文水泛爪涼南皮三
秋之宴淡張德講風抑鐘脣震懸足聞花飛天口窺其
學海不可量而知也擬其情膠不可剗而斷也不圖今
年七月方伯全家入都孔璋行矣抗手何時洗馬愁乎
悲風四起澑澑水合而蠶屏忽斷其流蘭蕙香交而長
鏡遺分其種秋艸尚碧關河已霜蕭蕭馬鳴滔滔江水
公子方且琴尊不御玉札頻來廣集鈔胥錄余草藁黃
初金帛購北海之文章百濟樓船索蕭雲之筆墨人間

知已心上恩波僕所以淚不知行而腸爲九轉也其業
師嚴憇堂秀才傷吾道之欲東感青藍之小別賦詩七
首索和羣賢悠揚彈素女之絲悲愴極秦青之奏嗟乎
騏驥簡雲六閑雨泣鳳皇振羽百鳥啼烟物且同情人
尤多感然而公等齒猶未也風無不聚之萍僕則鬢已
蕭然樹有孤棲之雀探懷中之珠字送江上之瓊枝高
惠神交難識夢中之路張堪前輩豈無見托之言所望
努力烟霄羽儀皇國他日車過三步休忘喬太尉之
生平此時柳折一枝共唱江文通之別賦

尹文端公詩集序

夫無形者功德有象者詩書易泐者鼎鐘不朽者竹素是以八伯渺矣而朱干斧落之音傳三象亡矣而東山零雨之篇著上有文思之后下有文命之臣凡以喜起皇風軒蕡帝載非偶然也我朝尹文端公以鈎河摘洛之才贊堯醴舜薰之化言敷彤管早穆清風墨灑黃麻便成甘雨其功見於天下其草焚於篋中辰告訏謨有國史在非枚所敢知也若夫四始源流五際聲韻心乎愛矣情在于斯偷三接之光陰廣資省覽分九霄之聲咳潤色風花當其卷阿從遊柏梁應制凌雲賦而人主驚老鳳鳴而百鳥息對天揮筆畫日成章方知從古

臯夔原稱才子於今燕許尚有風人他若擁旄憑弔之場三邊盡歷駐馬謳吟之地五嶽平看金石流其聲江山壯其采讀公詩者疑其生知敏性不假鍾鑪者乎而不知又非也公功高百辟志在三餘督八州而適然吟七字而自喜其精思也如其謀國其異入也如其擾氓其綿麗也如其測交其矜嚴也如其撓吏而且纂言則油素書之愛士則傾衿禮之故能宣揚八風不差累黍吞吐四瀆兼納細流行間消陷厲之心言外得中和之氣較彼經生尚多孤詣就論風雅已壓羣公近今以來嘆觀止矣枚卅年偶坐山也升堂一旦山頽吾將安仰猶憶鼓角臨江之日牙旗捲雪之天張設肴蒸爲賞休

文之二句。閼連裙屐。蒙呼王儉之三公鼎瑟方希牙琴。
又奏賓牆。請退刻燭重添。軍門沉漏。而不知燕寢橫箋。
而忘倦。孔子曰。好之者不如樂之者。其公之謂乎。然而
王筠喜抑強韻。讓天下以先楊綰戒。不示人懼。知音之
少。今者大星已隕。餘光尚耿於天。小子幸存斯文。敢墜
於地。望九原之人。遠慮二雅之道。淹用是編。集遺文都。
爲八卷。雖問字元亭。無復春風之座。而聽琴海上。依稀。
流水之聲。知我一生報公千古。嗚呼。

熊旗泉觀察詩集序

熊旗泉先生三生哲匠一代清才當典誥之年有成章
之日取壁經置庫右張朝餽爲坐華車入市中王澄絕
倒映日則腸閏之文可見臨風而哺啜之狀亦佳年十
五舉京兆年十九補秋曹年二十軍機房行走三摺以
俟雍容鳴玉之儀七洞有隣搏曳清嚴之地當盧烏蠋
備盡內裁扈帶鮫爾時從羽獵九乾之法咫令咫多所
咨詢一時之公望公才隱然半采然而香烟朝罷珠玉
吟成潤古雕今含章奮藻未嘗一日忘其所好也已而
有湖北監司之命大劍具在雙旌啟行應奉記七十四
縣之囚陸續賦八百餘人之弱雖雖然萬物化焉喟喟

然四野歌焉再權方伯益勦仁風膏雨布其恩卿雲表
其瑞雖長沙地小舞袖不能回旋而襄陽壇高牽羊已
至四匝帖荆日久詛楚文來爲采赤側之金遂坐玉庭
之獄解龜荆渚拾翠瀟湘片玦無聲三年得放當是時
也漢女行歌於撤瑱巴童隕涕于持靴諸恨私阮畧之
神行路喂房謨之馬先生辨經全雪年正方剛自然偏
陽之懸蘇而復上秦宮之鏡磨且益明矣不料川方至
而淵收霜年零而蘭瘁機名俗蹙拜闕難行目喪消贐
瞻天何處帶淵墻而後起身豈斷蓄降北渚以愁生花
指隱霧婆娑生意夭折天年遽喪人琴非闕風燭嗚呼
先生爲司空之文孫翰林之媚子伯兄卿倍百邑婦翁

僮指千人仙桂根高明珠性耀以故陳頤立宅必容重
馬旌旗游楚山行當帶羣芳等笛笙笙雉拂地掃珍珠
月兔羊燈光搖錦障極龍柳騎花之樂遊華鬢仞利之
天一旦火自墮炎水流春去收聲藏熱飲藥呼醫旁觀
代見淵荒當局能無優悒而先生居幽若泰履困如夷
家雖貧而道不貧形雖病而神不病王駘喪足棄若土
苴師曠失明倍精音樂吹反潮之笛聞倚雕闌張郵夜
之嬉高燒絳蠟得句則呼兒代錄狀僮而對酒當歌鼓
識回過峽內驚逢王應而看薄醉鄧州生祭韓陵此非
乘彌戾之車走和祿之國者而能如是乎宜其妍雅之
章清思窈冥緣情之作流響紅回雖茂先橫珠太冲散

錦不是過也。枚與先生測交于佩牒之年，卽呼小友。卜隣于挂冠以後，並賦閒居傷六代之風凋，喜兩人之道合。一則倉山橫枕，四面烟蘿。一則桃葉當窗，終年簫鼓。每至錦雨冬歇，金雲夏鋪，齋罷八關，宴開三昧。及爾如貫，舉杯相於得一味之佳同修食譜，賞半花之艷。各吟雙虞，松表成鍾，會代商五字，雲喬晏起休文，往伴終朝飲中山。元石之觴三年心醉，敝白傅防風之粥七日，口香方期范蘓寡交，舉足輒尋王亮。豈料荀郎年少後事，反托鍾君非情。壞之理公實蒼天之孤我嗚呼。曲盡陵之散緝餘紅，真空存記事之珠。縱教美景良辰依客

寡集未必虛堂幻影可接平生幸嗣子之不凡取遺文而相付杜陵衰淚半落行間宋玉招魂如來紙上慮應陽之稿蠶草元晏之序遲鋪敘官助當作龍門之小傳編排篇什長留鳳鳥之希聲

代渤海相公祭尹太保文

嗚呼五緯移宮天上有忽墮之星象四時成歲人間無
不去之春風矧乃九服英名七旬遐壽禹甸半懸其像
箕峙全集其身已極哀榮尚何優也然而葬姬公於畢
明主沾襟問子產之喪路人含哭蓋情卿雲之易散傷
冬日之難留故也而况乎位繼蕭規身經孔鑄者乎恭
惟望山相公嵩嶽分靈元黃毓粹受風后之金法調阿
衡之玉鉉鉛槧隨身楊子銅車之歲蘭臺簪筆仲華袞
服之年諭越乘輶霜清狴岸鑿河導牧波靜龍堂曾西
髓夫剛戎更南馘夫白賊三貂華重四扈推移入作臯
蘇出膺方召嵩陽毒地郭公駐馬而風和樂陵苦泉房

豹停車而味變民人樂見如月初生風聲迷聽未春先
煖其持節之最久者則在西周分陝之邦與禹貢揚州
之域焉是以長安三老慣說者塵揚子一江幾成湯沐
事練則沉幾應智寧尋無心才優則閭手仰成吁茶有
道淮南艸木知張萬福之威名殿上車聲識用千秋之
恭謹無人調鼎有詔催公當其赤馬之將行頗覺蒼
生之難別自知衰矣攬轡潛然然而自公入閣以來五
嶽無塵方趾圓顱共慶六祈願滲別風淮雨俱消夔拊
龍音雍容九陛堯趨禹步扶侍七年分貢樹之香同餐
法酒扈長楊之獮尚挽強弓方荆恒仰中星豈料離占
仄日威風竟翔于寥廓虛舟長往乎夜川

皇上南內報朝武宮去。箭鋒衰一奠竟勞。寧之尊廟器千年永入司勲之籍耳。聞者難禁曲躬身受者應泣。重泉某故吏情深典型人遠。一門兩代半隸旌麾。二水三山常陪文讌。身非王滿得親公旦之徽言。才愧士行竟坐劉宏之此席。尊前風月宛如平生。鼎底鹽梅又傳衣鉢。撫太尉親裁之柳當襄陽墮淚之碑。托巫咸以招魂折疏麻而寄衷。嗚呼官鵠南服難駕。素車白馬而來腸斷西州敢忘斗酒。隻雞之誓哀哉尚享。

祭吳桓王廟文

余年十七讀吳桓王傳心感慕焉後十年宰江寧過銅
井廟有美少年像披王者冕旒英氣奕奕野人曰是桓
王也余歎歎拜謁奠少牢爲民祈福而使祝讀文曰惟
王值天地之賜刺爲孤露之童牙初亡始茂之旗便射
徒林之兕先破虜將軍玉璽方取金棺遽掩有功帝室
未享侯封王收斟灌之遺兵零星一旅就渭陽之舅氏
涕淚千行志在復讐身先下士神亭擲戟立竿知太史
之心金鼓間城解甲拜子魚之坐鳴角以招部曲戎衣
而習春秋則有公瑾同年捨道南之宅喬公淑女聯吉
偶之歡自覺風流私夸二壇有誰旗鼓敢鬪三軍江有

霧以皆清陣無堅而不破待豪傑如一體用降兵若故人逐奉佛之笮融功高明帝誅妖言之子吉識過茂陵起家曲阿收軍牛渚廓清吳會奄有江東百姓以爲龍自天來虎憑風至勢必山傾地坼井堙木刊矣而乃望見兜鍪陳平冠玉再瞻談笑子晉神仙三軍無雞犬之驚千里有蠶槧之獻氣吞魏武避獵兒之鋒表奏漢皇迎許田之駕蓋不踰年而大勳集矣不圖天意佳兵三分已定丹徒逐鹿一矢相遺劍出匣以沙埋日升東而雲掩天實爲之非偶然也夫漢家之火德方衰妖讖之黃龍已死王如創槧美矣君哉然觀其絕公路之手書宣昭大義問劉繇之兒子縋繼平生雖神勇之非常偏

深情之若捐就使請隨周室謀鼎師臺必非操莽之姦
邪終見高光之磊落也而說者謂坐竟垂堂勇忘重閉
未免麤同項羽死類諸樊不知伏弩軍門亦傷劉季深
追銅馬幾失蕭王成敗論人古今同慨彼齊武王之沉
鸞晉悼公之雍容俱未輕身亦無永歲抑又何也今者
廟貌雖頽風雲自在端坐悒悒郎君之神采珊然秋草
茫茫討逆之旌旗可想三吳士女皆王之遺民六代雲
山皆王之陳迹守土官袁枚幼讀史書掩卷生慕來瞻
祠宇雪涕沾襟難從隔代以執鞭悵欲升堂而拜母修
下士天臺之表寄將軍帳下之兒願安泰厲之壇永錫
編氓之福勿孤普淖鑒此丹誠嗚呼千載論交王識少

年。之。令。尹。九。原。若。作。吾。從。總。角。之。英。雄。

公祭襄勤伯鄂公文

嗚呼微曉含苦天星所以高上將見危授命人世所以重尸臣乃有枉矢西流赤烏夾日班超之行萬里韓弁之歿三邊海內爲之拊膺

天子聞而郊弔。鼓非鳳軒。直蓋光爭鐘鼎之先。馬革殘屍位。列雲臺之上者哉。恭惟虛亭尚書。殷代巫咸。姜家呂伋。華嶽削成于面目。雷精感應于胎生。受五運之金多太阿。立斷得九秋之氣勁。止水無波少步花磚。三清受職長持玉節。十部宣威謝傅。領丹陽者一年。陶公穆風聲于千里。天子受降伊里。命公出鎮呼韓。明知梨樹。請監吐蕃。難信涇州。獻簿醜奴。可疑祇因王者推誠。

聖人無外故使甘陳爲都護將倚頰牧如長城公奉
詔繫行書心架入戎裝別母有淚無言秋日從軍多霜
少露蓋早已笑看金琰長辭玉關矣亡何豺狼起于轂
下烽煙莽若雲來犬不左率犧難御突抱九地九天之
智莫可施爲聽一甄兩甄之鳴長圍漸逼拳毆突厥肘
見骨而未休旗偃雷門血溺驂而尚戰短拳困拔山之
手妖雲遮捧日之心雖必死是期不去數曹鼓蓋而大
臣難辱終抽光弼靴刀鳴呵痛哉白草青隣誰辨蔣侯
之骨厥旌冷翠虛歸穆伯之喪一柱西傾九重天泣驚
聞鼙鼓痛甚沙場養孤兒子羽林錫高堂以胎穀刻木
以像鮑信與葬風涼臨池而痛彥昇綠沉瓜墳假使公

竟維妻質于平簪賢王。封驃騎之狼胥桀韓公之中壘。
轉不過策勲雙鬪磨崖一碑已耳。又安能氣肅三靈而
哀騰七爽也哉。今日者旌頑宵落龍庭。暨空鳴鏑者銷
聲。沛屑者喪伏終軍被害卒。梟南越之頭來歛。雖亡終
取公孫之蜀。公之目可以瞑矣。公之心可以安矣。某等
曾依塵下同沐清風。過細柳之軍營。尚思刃斗望周南
之茨舍。敢折甘棠方期式像于凌烟。豈料招魂于絕域。
雍容裘帶涉想猶存叱咤風雲音塵不再謹以牲牢之
奠。聊申部曲之心黍稷非馨丹誠可鑒所冀刀弓自動
卽爲來享之微轂左歸來莫作思鄉之夢哀哉尚享

檄吳縣城隍神文

昔重獻上天禁神人之裸處夏王鑄鼎除魑魅之不祥故知沈有殷寵有晉者沴氣之偶乖也楚人鬼越人穢者弊俗之宜制也蠶宜社之凶祇以勤民穀太陰之弓原爲射厲我國家齋宮澄肅祀典清嚴祇正官閒女嬃星耀遏科車之故氣照白日之幽嬃猶天而誅嶽瀆奉三章之法惑衆者殺年民捕五廟之僧凡夫蛇驚赤祓鼠說黃祥宋無忌之兒妖徐阿尼之猫鬼雖不銷聲滅迹輯羽藏鱗豈有怪異丹宋敢粉身以儀房女悖同河伯竟娶婦以長平風如汝吳縣隍神者何其妄也惟神血食金闕卵翼士女繩芟冢土率執蕘宮有殉肺之

妖當呼甲作食之或鮚蠶之祟當命方相擒之乃元妙
觀旁女子沈阿雲曰稱神據病入誤詣半黠半癡非因
非想戶檻不枕遭蹠首之驚姪變不祠受妖夫之曳花
如著霧但有啼痕玉未成烟漸無華色三更吹颯白蜺
嬰拂之風一夢行雲絶陰天之所爺娘擁髻以泣徧
請神方戚隣掩戶而驚懼招鬼壻嘻異矣夫五行六氣
之怪聖人不言四鄉九正之靈明時効順高高在上寧
非有道之天迺迺其聲豈是無雷之國如何非類遷爾
相干午乃淫威肆其竊疾乘位而姣明禪非野合之場
不夫而婚內止骨肉之國禁部民之娶律有明刑嚴
左道之誅法宜加等或者繡衣乘傳漢官尚有詐稱焉

知社鼠城狐冥府不無假託然而旣少聰明之察終懇
黍稷之馨欲斯神叢先焚祇廟下官偶來吳下居此凶
矜怒髮植竿雄心拔鞘撫長劍兮擁幼艾雅慕騷人鋌
猶氏而暫游梟敢藏賦手女父龍官陽爲造室之求陰
作鷁範之奪下官不忍拒也哀渠窈窕汝淫昏彼美
人兮焉能事鬼我丈夫也不愧乎天於斗檢之斜封當
酆都之露布今日者兩行花燭一色刀光僕子催妝桃
父撒帳磬折以待權爲西門豹之揶揄磨厲以須莫怪
郭代公之南笄

祭盧恭人文

嗚呼同作寄公悵通家之人少遽傷嘉偶驚少女之風
多月方耀夫藏阿星忽沉于織室此鯨魚所以有常開
之目隣春所以有不相之聲也而况德重金闈受公宮
之四教聲留形管歌靜女之三章者乎恭人本宏農著
姓生息士名區姽婳蘊其容莊妹表其度旣懷文而抱
質亦習禮而明詩我抱經學上以最後之絃作煎膠之
續初傳下達頓起謗言或謂餘杭路遙納幣何須出境
或謂藁砧日暮生稀已屬枯楊苟非玉女清臚寧免冰
人卷舌乃恭人耳聞嚴命手戴香纓慕楚國之先賢欣
然策日作盧家之少婦不復疑年蓋其神識超然早已

加人一等及其嬪于學士也曲號姑恩獲婦如歌得寶
箴修女史執鍼間以織衽三滌三翻概散修蜃之器一
燈一卷蘭熏粉澤之書學士好直言而恭人進伯宗之
戒學士偶入觀而恭人爲裴澤之從旣連襟以掎裳亦
雙心而一祿曹大家所謂婦如影響焉得不賞者其恭
人之謂矣且夫乘離之什伯奇野放之歌也黑心之符
義方諷世之作也從來後母絕少慈與恭人撫暮鶴之
嬖媿學鳴鳩之平一爲兒髮弗治括禿以無嫌哺女淖
糜喚摩敦而共樂忽媯文伯痛甚敬姜湯液扶持冷霧
清霜之際燒痕停結捐膺洟涕之餘不因異腹而損慈
翻以銜哀而致毀其病也乃其所以爲賢歟兼之不侈

好下旁求側室之嬖嬪惟恐深宗勸續小郎之介婦米鹽凌裸碩畫分明姍姍歸依齊聲延祝此又善心爲窈善容爲窕之明徵也已客秋枚山妻以鄉里之親遣女奴作私覲之請蒙恭人賜之敷坐接以和顏雖欽遲未來大享殷夫人之禮而餘恩逮賤小君有竹簾之將鳴呼人何淑也僕有感焉蓋聞媒以名通大抵華年牌合妻因夫貴都夸興慶首行是以高柔愛玩賢妻有終焉之志元相悲傷故劍因晚景之榮學士上苑探花湘南持節雖如春夢已付輕雲而恭人齒未三旬歸才五載假使慶鍾于後天假之年安知不膝纏珠胎班高命婦而乃乘龍于絳帳埋玉于青溪三日結禱便製諸兒之

文葆一盤苜蓿空勞親手之羹湯病已劇而未使郎知身將賓而始問醫至宜乎莊盆慣鼓猶迴木石之腸况復潘鬱將衰忍制瓊瑰之淚然而福者邱里之欣德者

竹素之耀數者偶然之遇緣者無盡之稱恭人丹心寸意不炫曉前遠迹崇情頤期身後故知花釵九樹原非桓孟之光青史千年裁是姪妾之壽玉棺易墜金簡難湮五時衣空三生石在學士又何必以無涯之情愛悼不駐之光陰也哉枚愧無一束之芻上作娶餘之薦敢奏九歌之曲徵招瓊戶之魂靈或有知庶其來格哀哉

小倉山房外集卷四

錢唐袁枚子才

上尹制府書

六月十四日公鳴八駒過五柳度墮行相錯壇將葺隨園之蓬茅請攀駕之臨幸是日也流水游龍冠簪朋盍鳥欲鳴而難囁人含意以未申今聞瓠子防秋繡衣東指凡諸惆素宜早寫宣夫傾陽者葵藿之誠獻驟者野人之禮朱鷺晨飛于漢殿元龜夜夢于宋王樹且爭天雲猶捧日而况新辭墨綬舊綰銀黃一樣皆餼廩之餘五畝亦大官所賜豈有塞門引被不觀河洛之圖洗耳投淵遠拒崆峒之駕者哉然而愛有餘者敬不足也

心雖攀者事或乖也夫十匠九柯之說千門萬戶之奇
非張華所能詳亦揚雄所未賦猶以清陽玉葉徒高八
觚之基銅冒金塗未極九衢之變故駕蒼龍而時邁飛
翼蓋以雲翔若復降清蹕于瓜廬屈重攜于圭質則天
將倚祚興且生祥金人捧劒而頭低玉女投壺而臆礙
必致王商門小雨沾從者之衣叔子笑聞人立胥闔而
語掌舍無賓庸之設爻闔有穿漏之憂此其不敢者一
也說者謂周王德盛焉可爲宮唐帝心清松生于牖是以

天子書雲簫等聽雲巖亦復并幹庸塗采廟降刹道
煬與坎埏不礙嘲諷與平燈無嫌職此類推則又僨矣

夫半様玉瓦得目功于空青間士茲荔難引翹大臣子
臨民浣濯戒在公羊密石礮諸載于晉語隨園者考槃
邇小陋室銘傳比王導之亭臺官非師傅學熊安之酒
清人愧經神張黼屐則木村難用爲庚牌焚築齋則草
根將喚于甲帳雖三土爲莞茅茨不剪而重曠是舜部
要何觀此其不敢者二也倘賜水衡之錢領度支之費
亭公栽樹竊長呈材竹入司監風歸令史佻天以爲已
力勤民而將自封恐荆溪立舍戴遠不安楊烈賜橋阿
稱薄福果玉丈旗復道周廬之所高樹方明豈十七步
長阿連石之鄉可資處士此其不敢者三也若令自修
越時私貢吳雲庄此匏居媚于朶殿恐身少清宮之費

家無潤屋之資。九仞臺高難趨。子午三成土小敢號昆
俞。徒使孟室見尤。趙様被誚為艾之五旬。有愆射稽之
四板空謳。此其不敢者四也。夫黃籍白籍各有都家區
士區廬豈容墟戾。枚離禹航之地。叩鍾山之英。忘首邱
之恩。言寄公之號。木非土斷難告僕。夫雖孔愉在郡。卽
會稽以爲家。虛憇居官愛靈目而不返。稱周非客受塵
皆民。然而清問忽下于九乾。巧宦有同乎三窟。此其不
敢者五也。昔春陵沛邑之幸。本是雲龍槐眉。万壁之觀
無非仙跡。卽或宴戴公之山下。訪杜相于樊川。大抵警
蹕清塵。早張旃艾。未必天豚暮鷁。許直東廂。今者沐鶴
溪深。母妻俱在桃源花老。雞犬相將避則靈瑣誰司閭。

則重椁難伏。豈抱妻有九梯之穴。廣陵非六慎之門乎。
且夫尊無二上。齒路馬者有陪席。設九重過公廬者必
式。苟降義軒之轡。輶將見堯舜于羹牕。剗轉枝都成
皇樹。衆歸窮瀆。盡是帝邱。紅杏進而黃紉封御香。畱而
左屏闕。空抱李林之宅。參將寄息夫之邱。寧此其不敢
者六也。且夫四千償樹十萬買鄰。洗薤同渠。灌花相助。
繫壁分一燈之火。綠楊爲兩家之春。久已治彼比鄰。無
人笑拙矣。倘復路布甬道。門開劇驛。剗小人之廬池。文
子之室。伐東鄰之聚。樹移南家之輓。工則燕雀驚棲。將
歸咎于連牆之土池。魚波及兼抱。慚于乞火之家。未增
景于邊。撩先樹。怨于襟背。此其不敢者七也。抑又聞之

嵬渚鶴洲以小爲貴雲巢瑞室惟曲斯幽倘加將作之經營定用考工之儀式九蓋皆繼四維盡參樹剪賓連衢加璧祔旣鎮其甍損一壑一邱之致將懸以榮改半郊半郭之風必使地上布金池中鋪錦藻兼睨目玉帶呈圖有莊嚴界觀無濠濮間想此其不敢者八也或謂捨家奉佛明僧紹且結緣焉以宅易州武陵王或僥倖焉又何妨借終南之捷徑獻白雁爲司城乎不知枚刺革心殷篩雲力薄帶淵牆而後起身若斷蓄冠蓬累以嬖姍形同欺賴倘芟荷衣冷見日先焦竹笏風輕朝天便墜翻使蜘蛛讓隱牕雖止談山且移文松將變色是以抽蒲筆寫蓬心獻邱里之言當華陽之表杜州刑馬

願迎三皇之車。谷口寒門冀免萬靈之接。公謀參噴室。
職任告耶。畜君何尤。愛人以德。而肅明之草木。卽錫福。
于煙霞。不奪箕山。未必堯階之路。窄許肩石戶。彌彰禹
甸之風清。

答王厚齋書

昔者山余入秦弭節西極樂毅遊燕稅車金臺之二子
者豈忍棄其鄉哉誠狃于名而憂夫世也別後猶嘗棘
軸衡流方羊耀靈促輪蟠日燈轡馳原隰之繡錯睇轔
轔之軒絕凡海王所以尊地媼所以富玉節所以走晉
金椎所以馳秦亦旣觀止低徊留之方知刑馬之郊有
古皇之跡負黍之壤果隱士之居古人文藻必資遊覽
倘爲鄙儒終慚都士僕學非賈誼乃蒙吳公之薦才劣
孫宏竟對明廷之策猶不自諒以爲庶幾排金門進紫
闕彈庖犧之八索調朱襄之五絃矣爾乃強臺未上弱
木遽沉知北有懷圖南無力側身徒赤壤局影非朱門

稽邱哭而仲尼之車不停范蠡吠而文種之旌不至我獨何能無慨然已而遇薦主金公之憂卷舌望星若盧握手或奉壺冰或操量鼓待其事竟然後拂衣寧可使兩箭貫耳讓禮震以前驅萬戟父胸救范升而早退哉僕聞亭歷葵于炎夏款冬華于嚴霜窮通之靡定也呂尚使老者奮項橐使童兒矜遲速之無常也粵宛之天難卜候龜之兆高墉之地終占射隼之功故匡衡對策不中經義益明蘇秦捭闔無功飛鉗始學饑雖摧折亦無嗚焉徇愁自苦櫟櫞獨前模繡範其身蘭漪謹其湛庶幾再奮溟渤重亨天衢非觀書于太史亦聽役于司徒耳若夫辭君王而爲鮑焦之遁衣敝袴而爲買臣之

歸則擲檣無所題橋有志歸宋見斯用趙何益揆厥下情實非所願方今木葉臥地天風隕霜候雁宵征秋河曉碧先生蒸鴻珧之膏飫宵梁之酒折招搖之桂召狂屈之徒唱古寡應呼今誰聽坐無車公知必不爲樂也嗟乎朱絲未染猶憇楊朱之涕白髮嚮指時動曾參之懷况復心旌風搖芳訊雨絕闋巾褐于旅巷生紺謳于斥苦涸魚噓沫而後知同池之懽越禽孤棲而後知離羣之哀夙欽德音辱贈敢答削札屬函恨然而已

與蔣苕生書

昔柯亭之竹非呈響于蔡邕鹿盧之劍豈矜奇于秦女乃過之者駐轡佩之者超屏何哉美見者情生氣求者聲應人非矇瞍覩更光而運眸地非聾俗奏咸韶而傾耳此鄭風所以歌縕衣周易所以稱蘭臭也若乃惠施測交而無從屈平獨立而增歎游魚欲出而瑟希雍門恩悲而琴寡無所感之誰爲應之客歲稅駕廣陵見足下壁上詩烟墨猶溼素塵將掩饌手拂口吟色然心駭絃歌應節流水可以移情同堂異鄉停雲因而增慨字尾書苕生二字嘻江上丈人澤邊漁父伊可懷也彼何人哉僕雖識高敏夢中之路難抱張騫鑿空之想縱有

宜生切肺之義更深孺悲無介之虞于是殫深心于搜牢極冲襟于遐訪西朝執訊虛位以待李巡東海得書榜道而求孫惠愛而不見于今三年幸安亭公子紆轡白下道足下居洪都之地爲舍人之官其才藻耀其人玉立然後知足下國之良也民之秀也欽遲者方望若歲而馳譽者久癲若雷雖然九州大矣人才衆矣僕謾伏江表足下鳳鳴神都僕知君君寧知僕哉豈意銅山之鐘地隔而霜應景風之鳥樹遠而聲交邵原渡海方覓孫崧北海有心臯知劉備于是遠蒙矜寵重寄篇什開函香生凌紙怪發驪龍未遇先投六寸之明珠師曠方驚更轉九天之情角識麟一趾眸子自矜藏鳳半毛

門庭可賀所冀足下北行之日鳴騶臨况僕糞除敝廬
請吾子之須臾焉昔者稽康命駕千里相思元度出都
一日九詣心期旣重手握自殷繩彼賢流實其然矣足
下與余豈在古人之後乎

與延綏將軍書

枚。間。遭。逢。者。運。也。經。畧。者。才。也。蛟。龍。乘。三。春。而。起。蠶。虎。
豹。臨。九。關。而。威。生。齊。有。黔。夫。燕。人。祭。北。門。之。鬼。趙。有。李。
牧。秦。王。罷。東。并。之。勢。林。父。獲。鄆。舒。于。北。狄。萊。子。朝。晏。羽。
于。東。陽。莫。不。乘。風。雲。耀。金。石。隱。敵。國。于。壺。外。聳。金。湯。兮。
千里。若。夫。攬。九。邊。之。控。制。論。八。鎮。之。規。模。防。秋。以。全。陝。
爲。尊。入。關。以。延。綏。爲。要。產。非。西。極。不。號。龍。駒。人。過。陰。山。
都。名。壯。土。角。聲。宵。奏。延。陀。之。妖。雪。驚。飛。檄。艸。朝。成。西。毒。
之。黃。龍。氣。盡。此。則。河。湟。惟。唐。休。環。能。知。而。安。西。非。郭。代。
公。不。可。者。矣。卓。闢。將。軍。浙。西。八。俊。河。鼓。一。星。戴。豹。皮。之。
冠。纏。虎。尾。于。僻。堯。廟。踢。壁。橫。行。十。尋。齊。市。長。繩。曳。馳。三。

丈天生躍。穿苦竹。刺而如飛黃。回運刀。激水灑而不入。爲賊習脂騎牛。讀書故能拔身銀槍。起家金穴。蛇矛丈八擒青犧。以立功洛鐵三千。鎮白門而擁節子陵臺畔。來侯霸之車聲杜甫柴門寬嚴公之禮數容長孺爲揖客喜草檄是同鄉甲戌春二月朝

天子于京師。日乍捲而雲開。壺未投而天笑。舞羊侃之槊。樹折苑中擊周寶之韃。勇闖殿上遂製梁公之金字。屬萬徵以膜皮一障。乘邊雙旌出塞。僕飼人武試亞夫之治兵。青海天騎服高皇之善將。此行也東門介士。南國儒冠。老者賴鳴少者齒擊莫不指揮鬪而思丞相攀大樹以望將軍僕不然蓋有說矣。夫虎飛食肉之奇

豹死畱皮之語尚屬武夫之佼佼難語大雅之情惜惟
念我國家休養百年欽明四代南至于漢鉛北至于

祝栗西至于燾靡東至于開梧莫不候月歸琛古風納
贐惟西戎一旅屢折鋒笞小醜尚存英雄爲之氣湧匈
奴未滅男兒何以家爲公之間鐘壯心投袂欲起也久
矣今者旄頭夜落神雀朝飛單于生內亂之憂可汗有
尊天之請旗書歸順鳥願投明貢牛羊稱唐帝之畜生
獻燕支作漢宮之顏色而且雕庫來告國難康居願作
先驅天子哀彼氶裘受其楛矢恢張黃籍編隸烏丸
愛虞詡之議涼州常通右臂薄僧孺之拒悉怛坐失生
羌將撤戍已之邊防增庚戌之土斷置燭龍之州邑懷

關耳之人民盡渭橋謁而麟閣畫十一將高昌滅而北方靖三十年誠綏邊之盛事柔遠之鴻業也所慮者其來荒忽非八柄所可維婁其義羈縻非九刑所能震懾是以不樂水土則韻利思歸略失機宜則梁安中變贊普獻塞終持銀鵠而奔梨樹請盟竟鑄金枷以待羈留質子彼何愛于匹夫安設屯田或且鞠爲奧草雖依漢與依天等而受降如受敵然矧孟珙之室萬間班超之國五十豈無能稱操刺賢號屠耆者勢必滿月生心推寅起事等夜龍之射闕學莫叔之違天我已垂鱗彼方鳴鏑隋將舞羽寇且張弧夫西城何足敵漢而平準卒以成書南蠻未必困唐而徐州因之盜甲然則魏徵憂

國之謀。江統。徙戎之論。誰關鐵牡。永靖銅駝。非所能知也。不敢不告也。延綏北可控五戎。南可衛三輔。有蘆門塞砦之險。有清邊三族之戍。願公消禍于無形。練兵于不戰。先知爲哲。見小曰明。鄧訓馭燒。當恩如父子。高車畏陸。俟嚴若風霜。庶幾廷光拜城上。而肅然悔錄識豐州。而不動此策之上者也。不然。則六鵠開弓。三鑿起戒。嫖姚之兵。五道孫武之智。九天焚老。上之龍庭。掃淳維之甌脫。必使頭飛六角。面縛三門。服匿廬空。珍珠帳捲。然後鐫碑葱嶺。挂弓扶桑。乃爲大丈夫之志。檠耳昔者刑滄之地。動文命之威。桐鼓之歌。殺空桑而作將軍。其有意乎。然而。教民七年。先甲三日。避險尚遠。趨時貴近。

銅柱蒿牆都煩卒畫琵琶蹴踘盡是兵機或未至金城
先圖方略或經營玉壘不設壅門慮撓事而內結中涓
選精仗而自臨武庫緩帶之時畫虎尾春冰之館援枹
之際有銀衡鐵室之防此又豪傑之著龜忠臣之葆就
蓋謀高然後陣定主信然後權專功雖成于臨時道當
裕于平日也僕身別熊羆心依鹿豕蒼鷹當秋而先倦
老馬聞戰而不哮至于繹歸義之三章唱婆駝之數疊
鏡歌頌漢江漢美周則力有餘妍心無他讓早染毫素
以待燕然之銘若作馬曹請設舊交之位

與雨林似村兩公子書

昔東阿采庶子之春華廬陵愛延之之淺薄郭家駢馬
贈錦繡於李端蕭氏畫堂寫丹青于到溉非關公子定
愛才人從古青琴最憐同調我望山宮保仗節觀河折
笄訓子孝綽門內能詩者七十二人崔約書中手抄者
八千餘紙丹山氣厚雛鳳爭飛湘水波清叢蘭並茂一
招隱者三宿南牙恭逢雨林似村兩公子車蓋初傾絅
馮並坐當恢台之孟夏均貴賤于條風珠耀雙丸難分
甲乙玉森兩樹共倚蒹葭與祖約談次日如失眠之客
聽裴綽語終宵聞彈瑟之聲天士去而地士來世儒倦
而文儒繼寫長瑜之佳句則手界烏絲看太叔之彎弓

則箭穿楊葉可以測交可以樹善又豈止梨名卽坐酒
號蘭生極郎主之懽情夸雅遊之盛事也乎亡何兒飛
緜氏鶴去遼城叮嚀縞綺之投惆悵河梁之別嗟乎鳥
猶擇木人貴知心碌碌毛生慕平原君之高義愔愔丁
牧事東平王而不歸僕豈忘情遠吟別賦哉所奈惟士
無田小人有母桃花源好非漁父之家庭桂樹山空剩
淮王之雞犬松風耳冷聽官鼓以驚喧蘿薜衣涼對簪
纓而覺野倘復棲遲幕府眷戀龍門不爲百里之侯轉
作將軍之客是失魯而以千社爲臣辭卿而以萬鍾受
祿有乖出處無解資俾是以唾井情深耕烟願切團雪
散雪歌申叔之雄詞大山小山別何家之兄弟願言指

水深表僕心未得銜泥長巢君屋繩牀一挂知來者之人稀雲水千重恐夢中之路斷幸而紫羅香在雜佩聲畱何處雪泥不印飛鴻之爪有時烏鵲能通銀漢之津翠被鄂君歡難抗手黃衣瓊忌呼可傳書明年漿水蓮開尚想同舟于王子他日郎君官貴莫施行馬於門前

上台觀察書

校開夏后上三嬪而得九辨。板板非上帝之心。周官操六計以馭羣才。休休乃用人之道。是以情在理先。聖人且以爲用矣。瑜不瑕掩良工。乃以觀玉矣。校赤緊溢膺丙子。趨走深慮。萊蕪不能嗣絲灼。不能清悼耄。不能仁強宗。不能拔故。前者三肅崇階。五內震動。恐諸葛垂問何祗之吏事。不修曹公共談。子揚之精神未減。不意明公寬負子之責。入飛耳之談。怒校剔。彌歌郎抵觸。金布校始而驚繼而喜。驚者驚公于東方未明之時。容光必照喜者喜校子國風好色之外。餘罪無他。不敢抵觸。不求道地。但願陳其悃愞。請一考之詩書。昔李西平郡將

也而營妓自隨白太傅司馬也而商婦度曲頗踰規矩
難律官箴乃其人皆功在山河名香竹素枚自泣官以
來未嘗一刻忘簡書不肯一言枉訊刺待至五花判畢
四郊雨甘乃敢彈箏酒歌掎裳月坐愛鄂君而流連翠
被賦洛神而惆悵驚鴻事有甚子畫眉盜非同于掩耳
蓋以爲靖節閒情何暇白璧東山女妓卽是蒼生遠狎
無傷小德出入可耳不圖閭內之悍妻見赦閨中之妬
妾包容而轉蒙大府搜牢長官狃伺嘻過矣夫采蘭贈
芍不見削于宣尼閉閣尊經翻自附于新莽余中請禁
之詩高風嶽峻蘆杞無侍兒之奉醜迹風馳果卿忠臣

徵求花粉輔國逆暨靜學沙門古來君子之非賢于小人之是布在方策僕指難陳枚所仰止高山恆居下流者蓋有在矣然明公必以兩廡相期一流見待謂破老亦傷盛德齋姪何以齋心則收雖不迷復于此時亦必味回于他日若徒鋪張令甲震耀風聞拾薄領而調陰私談床第以爲惆悵則蕭何律上不禁笙歌宓子堂前豈無琴瑟而况李元忠不以飲酒易僕射徐騎省肯以歌曲換中書人孰無情士各有志黃鵠舉矣青天廓然丈夫溺死何妨而拘游哉公幸毋以尋約之繩困奇核之士也

慰蔣用菴侍御失火書

公子來接手書知先生名山副墨已爲六丁所收北闕巾車更爲五酉所尼嘻其酷矣僕不獲執鐸將掀作公孫之侍又不能反風噀水表郭憲之心敬以殘客之卮言博達人之莞爾蠶聞火也者于水爲妃無平不陂在夏爲孝其危乃光是以梁殿浮圖武帝以爲道高魔盛魯焚宜樹何休以爲黜杞新周老物晉有燈常青而不滅霸闢吳就壁雖亦以何妨王敬則捧紗帽以呼事須及熱韓安國對田甲而笑灰寧不然先生以霜後之松筠作焚餘之圭璧紅羊刲小白撰家空幸草雖存勞薪已盡未免蕭邱性冷炎上心孤然而浹日而遇七十二

毒者神農之嘗草也鑄財而燒三十六爐者冥司之懺除也造化阤人必極之于旣往相風測景當覘乎其所將元冥祝融時相爲帝桃笙葵扇事豈有常子楣被賣于渠公乘車食肉墨子跣蹠于楚國錦衣吹笙海三凍于慕容之朝山一飛于身毒之國動將靜轉晦與明通肸蠻之機由來久矣而况火原號聖烟亦稱祥并絜郊天庭燎華國管氏祓燿而作相衛侯名燶以興邦豈非鼎彰調燮之功離木文明之象哉先生內學七緯旁通三微千樹逞能五神開教清談而熒惑退舍鑄詞則蛟龍捧爐謝元之度屐安襟必敎得所諸葛之藩籬亭障雅有精思子玉賓朋時夸過菜楊愔袍袴都是內裁方

將耀山甫之將明。展子培之穆行。鞭笞能艤。掛讓雙龍。
而乃眼熱。卒益東壁。有餘光之乞費。生陽筭。西鄰非禴。
祭之時。遂致木燧。乍鑽而融。風反逼紅霞。未嚼而赤舌。
先燒象無齒。以身焚魚在池。而殃及二卵。之罰嚴矣。三
錢之府閉矣。海內憐之。思舉旆以留賢士。林惜之謀東
轡。以還婦。誰知先生三世長者。深知服食之方。半生王
門。未領烟霞之樂。一旦脫羈解纏。蔭陽涼還柔梓。若
龍荒笑伊呂。爲筦庫三千太學。請叔夜爲師。九萬巴箋
待義之染翰。巡狩有典。半皆應邵。文章作奏。雖工不署。
馬周名姓筆。清簧緩撥絃。愛火鳳之聲。疾鵠蒸鳥享客。
鬪。嬾人之妙。幾幾乎。龍叔方寸日映。皆空許由一瓢風。

吹不動矣。天以爲阮瑀不出，當焚山以求之。張昭不朝，當燒門以脅之。與其元纏作聘，不如朱鳥催裝。與其國主持鞭，不若炎官。張傴于是司烜戒令，閼伯前驅百蟲。將軍燐然烈澤，黃車使者爛其盈門。絳雲起而捲霄鼎，方飛而升屋。焚來諫草，都作赤章。取去易牘，將鑄碧落。寒山龍旆爭彩筆，之光芒太乙。青藜搜庸成之冊，府莽頭孔履武庫。存無虹，嘲霓旌安公來否。必使焦土無立進，耿純燒舍戰。乃成功，蓋沉檀非爇則不香。鷹隼因德，燭和姚光。高坐火上，亦曾憶及隨園燈。宴紙醉金迷，抱驚前。

有个故人喬肩火色乎。所望收回餘燼不諱。熱中燒上。
楚燎邛烘夏綬法。非東漢罷官可入京師壽祝南山高。
爵應歌天保。

皇上聖恩似海燭照常寬公卿知已如麻櫺杆必助金
天作頌非王融其誰能玉牒封山得相如而輒賞將見
蒸出芝菌收之桑榆燃石冷而直溫燭升窓而再燄不
必東煬齊竈西祀盤庚而早見鐵柱彈冠鳳池還汝僕
與先生心期世載賦別三年飲共燒蘭痛分灼艾乃趙
佗有風聞之信謂李斯在逐客之中不知僕雖禿炷之
年不畏赤熛之怒炎薪易徙水薦難焦能與雞談不嫌
鶩傲我以石季龍爲海鷗鳥彼尊王延壽如魯靈光射

三發而皆遠許爲劒再舞而不及劉季亦猶沃焦山大
受海水以皆消螢火丸空當刀兵而悉度早服飛霜之
散何勞撤屋之防先生來書問季豹之生無念西施之
網未則又不知賜谷將沉趙無坎種暉臺已暮莊不傳
薪妖鳥空鳴伯姬呼而不至豈妻難煽祇廟禱而無徵
宵明燭光豈貧家之肯降頽陽晚照悵行樂之無期惟
有顏叔灰心稱貞繡屋高車生女築臺配天而已至于
傳張翰之下金卮累椒鳴之迎境上則頗似熒臺搏影
丹穴尋聲處處庾冰人人元化由欽遲之念切致閃渝
之感深也不然僕學幻有年隱形無術蘭陵非朝歌之
地何必問車稽古雖千里之遙尚將命駕豈有塵左師

之短策過霸臣之門而必奔撤三輔之長裾當季長之
室而不入者哉小舒結轎折此疏麻寫成父之賀書替
君解祟當陸渾之高咏一笑臨風

與楊蓉裳兄弟書

榮榮門子力深三年之思采采蘭蕙頗有十行之符想
足下昆季祚枕憫史自成馨逸烟墨資其藻佞性備發
其惠心起居康娛故多勝也承示咏懷錢塘金陵姑蘇
各二百韻伯歌季舞人據一邪銀湧金鳴先生五字鴻
文無範鳳德有朋盛矣哉關西華族其有河東薛氏之
風乎夫穎悟者寡于篇綽獵者喬于典醜暗者弱于氣
侵息者殫于力多文爲富遂古惟難而諸君極亭伯之
紛釅夸茂先之詳瞻鱗鱗雲起華嶽峯分郁郁香霏博
山鼎峙足使楚艷奪席漢侈讓坐吳志別簡越絕廢書
雖減曼數三十六國東王投千二百驍未能抗子良足

啓子然而寡者衆之所歸也。約者博之所極也。照乘有珠何必谷量牛馬。啓闢得鑰矣須治扇鍊爐成王冠周公使祝雍爲祝詞曰達而勿多也。陸機云：夸目者尚奢，愜心者貴。當劉勰云富于萬篇，貧于一字。凡茲明訓，梁若列星，良以言少則理顯，詞費則耳暭濶幅。裁衣何如擇布，而割雙雞供餚？不若取洎以養自類，書成于皇覽，而三都兩京鮮傳抄矣。風土記于孝侯而郡志方言成，旅贊矣。漢廷徐樂只載一書，晉豫阮咸僅傳三語。君子多乎哉？不多也。諸君抱竹索之繁富，闡頃範之唱于當稚齒之殃時，對惠山之不瘳，故宜乘膚抉擿，歛志詣微孤，寫神峯窮追道岸，不必旆晉郊以示衆，誦秦碑而夸。

則也。顧鄧將軍捐棄故技，更受要道，僕亦竊比于子桓焉。且夫擲米成丹，是麻姑少年之戲；指心爲師，乃遵明老來之悟。才惟放也，而後收之；不枯氣惟雄也，而後攝之。愈密能取淡于濃，則清泉皆沉澱矣；果得平于驗，則拳石亦華嵩矣。諸君研閱不休，必悔少作縱橫，既倦定入康衢。譬如芬芳滿林，質心者不過一枝之秀；元黃錯采，適體者乃在半襲之服。謝艾雖繁詞不可芟，王濟雖畧人不能益。此則學海之回瀾，文心之進境也。已傳不云乎？龍生九子，應龍好飛；鳴吻好望，今飛者健士。望者老夫金口之私，聊寄一笑。二三君子試味我言。